



Шогмо эл, порымиз да гим верг!

Будь готов/

ЯМДЕ ЛИЙ

1933 ий 1 февраль годсек лектеш.

0+

Поро паша куандара

Е.ГРИГОРЬЕВАН фотожо.



10 декабрь –
Марий тиште кече.



5 декабрь –
Волонтёрын тўнямбал
кечыже.

Модай куан: кажне тунемшын кидыштыже – шочмо марий йылме дене савыкталтше «Ямде лий» газет! Морко район Шўргыял школысо «Рвезе тукым» йоча ушемн уста ўдыр-рвезыже-влак (**снимкыште**) йоча газет дене пенгыде кылым кучат. «Марий сылнымут садвечыште» кружокышто шинчымашым налын, газет ден журналлашке возымо пашаштым колтат. «Ямде лий» газетын эртыме корныжо дене палыме лийыт. Марий тиштын вианмаштыже йоча газет изи огыл верым айла. Шольо-шўжарыштым «Ямде лийым» лудаш, подпискым ышташ кумыландат. Йоча ушемн чолга ўдыр-рвезыже-влак поро пашам ыштен кушкыт. Вет нуно волонтер улыт. Йоча-влакым чыла тиде сомиллан школышто марий йылмым да литературым туныктышо Е.В.Григорьева шўманда.

Л.ГРИГОРЬЕВА.

ПОДПИСКЕ

Жагалыме
туныктышо,
ача-ава, коча-кова,
йоча-влак!

«Ямде лий» газетлан
ПОДПИСКЫМ ышташ вашкыза.
2021 ийын икымше пелийжылан
возалтме ик эн йонан жап – **3 гыч 13
декабрь марте.** Тыгодым Россий
мучко Подписчикын декадыже эрта-
ралтеш. Газет ден журнал-влаклан
шулдырак ак дене возалташ лиш.
**«Ямде лий» газетын акше –
318 теңгеат 78 ыр.**

Индекс – П4696.

Лотерей

«Ямде лий» газетлан 2020 ийын кокым-
шо пелийжылан **ПОДПИСКЫМ** ыштыше-
влак коклаште тўн призым, **электро-
конгам**, модыктышна. Параньга район
Кугу Пумарий ял гыч Рома
ВЯЗОВЛАН пиал шыргыжале.



«Ямде лий» газетлан 2021 ийын
икымше пелийжылан возалтше-влак коклаште
лотерей модышым увертарена. Квитанцийым
редакцийышке колты-
ман. Тўн пөлек –
номер-влак почеш чиял-
тышаш сўрет. Моло
арвер-влакат модалтыт.

Лотерейын учреди-
тельже – «Ший памаш»
сылнымут фондыв вуйлаты-
ше В.В.КРАСНОВ. Тудлан
кугу таум ойлена!

Авалан серышым возенйт

Республикысе марий тўвыра рўдер Аван кечыжлан пўлеклалтше «Авамлан серыш» республикысе эссе-сочинений конкурсым иктешлен. Тушко кум регион да Марий Элын 13 районжо гыч 87 паша пурен. 9 ияш деч кугурак ен-влак аваштлан шўм гыч лекше серышым возенйт. Эн ныжыл, эн поро шомакыштым эн лишыл егыштлан пўлекленйт.



9 гыч 12 ияш ўдыр-рвезе-влак коклаште ойыртемактыныт (олыкмарла):

1-ше вер – Даша Юрьева (Национальный президент школ-интернат) (снимкыште);

2-шо вер – Карина Попова (Параньга, Кугу Пумарий), Руфина Мухаметгареева (Татарстан, Мензелинск, Калтак);

3-шо вер – Юлия Токтаева (Медведево, Руэм).

13-16 ияш ўдыр-рвезе-влак коклаште сенгышыш лектыныт (олыкмарла):

1-ше вер – Юлия Горохова (Кужэнер, Конганур);

2-шо вер – Надя Ямбакова (Йошкар-Ола, 21-ше номеран школ);

3-шо вер – Ксюша Харитоновна (Параньга, Усола).

Х.АЛЕКСАНДРОВА.

Йоратыме туныктышем

Мыйын йоратыме туныктышем – Лилия Владимировна Волкова. Тудо марий йылме урокым вўда. Лилия Владимировна поро, ласка чонан. Урокышто мом огына умыло гын, рат дене каласкала. Тудо кажне тунемшыжым шке икшывыж гай йората. Меат тудым пагалена.

Дима ВЕДЕНЬКИН.

1-ше номеран Шернур школ.



ышташ келша. «Ямде лий» газетым лудаш эре ямде улына!

Шернур, Ёлыл Рушэгер.

Ульяна ТАНЫГИНА.

Кече ырыктыме семынак, уло шўмет дене йоратен, тый, Ава Айдемым ончен кушет!

Дим. Орай.

Клубышто Аван кечыжлан пўлеклалтше концертым ончыктышна. Концерт деч вара авамлан изирак пўлекым кучыктышым. Тудо моткоч куаныш!

Иделия ИШМУРЗИНА.
Татарстан, Агрыз, Буймо.



Шернур район Кукнур селасе марий Йўштў кугызан илемже 5 декабрь гыч уна-влакым вашлияш тўналын.

«Йўштў кугызан йомак корныжо» кок шагаташ онай программым темлат.

Йомак персонаж-влак дене вашлиймаш, модмаш, конкурс, курык гыч мунчалтымаш да молат лийыт.

14 ияш деч кугурак ен-влакым Всероссийский правовой (юридический) диктантышке ушнаш ўжыт. Тудо 3-10 декабрьыште онлайн эртаралгеш. юрдик-тант.рф порталыш пурен, йодыш-влаклан вашмутым пуыза. Кажнылан сертификатым колтат.

Марий тиште кечым Йошкар-Олаште 8-10 декабрьыште палемдат. «Марла чын возена» диктант онлайн лиеш. С.Г.Чавайн лўмеш книгагудышто Юл кундем федерал округысо калык-влакын национальный книгашт онлайн-фестиваль, «И.С.Галкин – кумдан палыме марий лингвист» теме дене йыргешке ўстел эртаралгыт. М.Шкетан лўмеш театрыште Марий тўвыран регион-влак кокласе форумжо лиеш.

Школ тоштер пелен «Юный краевед» кружок ятыр ий пашам ышта. Ёдыр-рвезе-влак Кугу Ачамланде сарыште подвигым ыштыше землякышт, тылын труженникше-влак нерген уверым погат. Тений сарын геройжо-влакын ёдыр-эргышт, уныкашт дене вашлийыныт, нунын деч йодыштыныт. Йоча-влак «Марийская правда» да районысо газет-влакын ондакысе номерлаштышт савыкталтше статья-шамычым шымленит.

Кружокыш коштшо рвезе Дима Гавриловын коваже Фелицата Андреевна Васютина, аважын каласкалымыжым шарналтен, тыгерак ойлен:

– 17 ияш ёдыр-влаклан моткоч йёсö лийын.

Авам шым ий наре йот кундемлаште окопым кўнчен, чодырам руэн, шолым волтымаште тыршен. Нунын бригадышт чодырам ямдылен. 40 градус йўштö годымат пашам ыште-ныт. Кылмыше


мландым кольмо да лом дене руэныт. Землякыште да онка дене гына ыштыме баракыште иленит. Киндым нормо дене пуэныт – кечеш 500 граммым. Паренге але поңго шўрым кочкыныт. Шокишо вургем лийын огыл, телымат, кеҗежымат йыдал дене коштыныт. Но нуно ик шонымаш дене иленит – фронтысо армийлан тушманым кырен шалаташ полшаш. Шке коклаштышт таңасымаш-влакым эр-

таре-ныт. Мемнан

ялысе ёдырамаш-влак ойыртемаптыныт да сенымаш дене пöртылыныт. Нунылан Йошкар тистым пуэныт.

Яктансола гыч самырык ёдыр-влак саргодым ФЗО-што тунемыныт, Юрино посёлкысо коваште заводышто пашам ыштеныт.

Ёдырамаш сенымашым лишемден



Фотом школ архив гыч валме.

Шары, Боровский посёлкылаште (кызыт нуно уке улыт) чодырам руымаште, лесопилке заводышто тыршенит. Вара нуным Нижний Тагилысе танк заводыш электросварщиклан колтеныт.

Кружокыш коштшо ёдыр-рвезе-влак мемнан кундеммышке Латвий гыч эвакуироватлалт толшо еш-влаклан öрыныт ыле. Мутлан, Яш-молкино ялыште тыгай шым еш лийын. Яктансола гыч А.Егоркина кок икшыван ёдырамашым илаш пуртен.

Колхоз пасушто пырля тыршенит.

Йоча-влак дене кугу шымлымаш пашам эртаренна. Лектышым тоштерысе «Они ковали победу в тылу» стендыште ужаш лиеш.

З.АПАКОВА, тоштер вуйлатыше.

Снимкыште: кружокын еңже-влак Элина Колесникова ден Аня Баландаева – Евдокия Егоровна Алдушкина дене пырля.

Курыкмари, Микрак.

Кум ияш деч кугурак ең-влакым «Слава Героям Отчизны!» всероссийский конкурсыш онлайн ушнаш ёжыт. Тушто ятыр номинаций уло. Йодмашым 15 декабрь марте колтен шуктыман. Иктешлымашым 20 декабрьыште ыштат. Лекше йодышым aragorn-studio@mail.ru электрон почтыш возен рашемдаш лиеш.

Конкурс

Моско оласе Сенымаш тоштерын Красногорский филиалже «У ий модыш» операций» еш усталык всероссийский конкурсым увертарен.

Таңасымашке ушнашлан, тўрлö материалым кучылтын, у ий кож модышым ыштыман. Модыш

Сенымашлан 75 ий теммым але сар годсо жапым ушештарышаш. Конкурсыш 20 декабрь марте ушнаш лиеш. Паша-влакым почто дене колташ ок лий гын, фотом ыштыман. Тыгодым модышым кузе ыштыме нерген возыман але фотош войзыман. bessonova@cmvov.ru адрес дене электрон почтыш колтыман.



Кугу Ачамланде сар годым Марий АССР-ыш Совет элын тўрлö олаж гыч 27 заводым эвакуироватленыт. Тунам Марий кундеммыште 48 предприятий пашам ыштен. Эн кугулан 297-ше, 298-ше, 185-ше номеран завод-влак шотлалтыныт. Фронтлан авиабомбо, снаряд, оптике прибор, саргурал-влакым да молымат ямдыленыт.

Факт

Сенымашлан – 75 ий



2020 ий – Шарнымаш да чап идалык.



Сенымаш верч

Мынар түжем, уке шол, миллион салтак
Сар корным тошкыш тыныс сенымаш верч.
Элнам аралышын эн шерге ак –
Тыглай салтакын илыш. Сенымаш верч!

Кунам кавашке вуйым нөлталам,
Ош көгөрчен пелен «шарнем» мутеым
Мый уло кертмын кычкырал луктам
Да шинчавүд йөре колтем муремым.


Ойганыше чонеш тул ылыжеш,
Геройын курымашлык корным шерын.
Совет салтак у илышыш үжеш,
Ал кечын шулдыржо йымачын порын.

Марий мландем, мотор марий мландем,
Коча-кован пүжвүдшө дене темше!
Ужаргын нерешталтше шаршудем
Мемнан пиал верч угыч кушкын лекше.

Е.ИВАНОВА.

Палаш огай

Кугу Ачамланде сар
годым Орёл ден Белгород ола-
лам утарымылан 1943 ий 5
августышто икымше тулсавышым
пуэзыт. И.В.Сталин сенымашым
тыге палемдаш ойым ыштен.
Кугу Ачамладе сарыште 355
гана тулсавыш йонген.



Лүддымө лийнем

Мыйын кугезе кочам – Андрей Васильевич Федотов. Тудо Шернур районусо Тоски ялеш 1916 ий 24 августышто шочын. 14 ияш улмыж годым колхозышто пашам ышташ тўналын. 1932-1933 ийлаште бригадирлан, 1933-1936 ийлаште счетоводлан тыршен. 1937 ий 20 октябрьште Совет Армиыш каен, Моско областысе Серпухово олаште службым эртен. 1940-1941 ийлаште «Октябрь» колхозышто председатель лийын. 1941 ий 10 ноябрь гыч 1942 ий 4 июнь марте Йүдвел-Касвел фронтын Моско стрелковый дивизийыштыже служитлен. 1942 ийыште младший лейтенант курсым эртен. Тиде ийынак 15 августышто шинчашкыже осколко логалын. 1942-1945 ийлаште түрлө вере взводын командирже лийын. Кочам, мыят тыйын гай лүддымө лийнем!

Надя ФЕДОТОВА.

Кужәнер школ.

Сенымашлан – 75 ий

Кочам – герой



Кугезе кочам Иван Павлович Кушаков 1914 ий Крешене арнян Морко районусо Йошкарәгер ялеш шочын. Школышто вич классым тунем пытарымеке, ачажлан озанлыкыште пашам ышташ полшаш тўналын.

Кугу Ачамланде сар тўналме жапыште кугезе кочам Моско кундемысе Раменский авиазаводышто пашам ыштен. Шочмо элым аралаш тушеч каен. Моско верч кредалын. Вара сар корныжо Украина, Польша мландыште шуйнен. Икымше Украин фронтын 77-ше батальонжын 334-ше пулемёт отделенияжын командирже лийын. Германий мландыште кредалмыж годым ик тале сөйыштө фашист взводым пулемёт дене лүйылтын пытарен, 8 фашистым пленыш налын. Ты подвигшылан тудлан Йошкар Шүдыр орденым кучыктеныт. Сар пытымек, 1946 ийыште мөнгыжкө пörтылын. Кугезе ковам дене кандаш йочам ончен куштеныт. Ме, уныкаже-влак, нунын дене кугешнена.

Ксения БУТЕНИНА.

Морко, Эгерсола.

Задаче

Оршанке район гыч сарыш 7 түжем наре ег каен. 4 түжем наре ег пörтылын огыл. Тиде мынар процент лишеш, шотлыза.



Камилла САТТАРОВАН
сүретше.
Волжск олесе Йоча
художественный школ.

Историйым шергалына

Москва верч пеш виан кредалмаш деч вара 1941 ий 5 декабрьште Йошкар Армий фашист тїшкам чактарен, контрнаступленийым тїзналын.



«Ямде лий» 2020 ий 5 декабрь

Лүм: Анатолий
Петрович Шумов.

Шочын: 1923 ий 22 декабрь,
Моско кундем,
Волоколамск район,
Осташёво села.



Подвиг: 1941 ийыште аваж дене пырля партизан отрядыш ушнен. Түрлө заданийым шуктен. Листовкым шаркален, тушман-нын телефон ли-нийжым пүчкеден, нуным кыл деч посна коден, машина корныш миным шындедылын.

1941 ий 30 ноябрьыште ўмыржō кўрылтын.


Чап: Ленин орден дене палем-далтын.

#пионер ГЕРОЙ

2020 ий –
Шарнымаш да
чап идалык.



Шинчавүд йөре



Кугезе ковам Зоя Ивановна Тимофеева Морко район Ердүр ялеш 1931 ий 25 ноябрьыште шочын. Йоча пагытше Кугу Ачамланде сар годым эр-тен. Ачаже Иван

Яковлевич Яковлев 1941 ийыште сарыш каен. Чыла нелылык ўдырамаш да йоча-влакын вачүмбакышт возын. Зоя ковам 10 ияшак сōсна фермыште тыршен, шудым солаш коштын. Сар жапысе неле илышым кызыт шинчавүд йөре шарналта: «Сарже мо тыгай, тунам паленат огынал. Пөрзең-шамычым военкоматыш ўжыкташ тўжалыч, ачамат кайыш. Кочкаш шагал, шўйшō пареңган киндымат кочкаш логалын. Ачамын сар гыч пōртылмыжым чот вученам. Ты кече эн пиалан ыле. Чаманаш веле логалеш, сар деч вара тудлан сайын илаш эрыкым ышт пу: пленыш логалмыжлан кōра өрдьжкō пашаш колтышт. Авам дене пырля ачам дека мяят ик гана миенам. Куржын миен өндамем – тачат шинча ончылнем. Тылеч вара ачамым ўжаш пўралтын огыл. Пōртвуй гыч камвозын манме шучко увер икмыняр жап гыч тольо. Авам шым икшыве дене (кокытшо ашнаш налме лийын) тулыкеш кодо. Тыгай шучко жапым нигōлан ўжаш ынже пўрō».

Кугезе ковам дека чўчыкыдын кошташ тыршем. Кызыт тудо Усола ялыште Рая ковам дене ила. Таза лий, Зоя ковам.

Настя ИВАНОВА.

Морко, Кугу Шале.

Фотом еш архив гыч налме.

Историйым шергалына

1769 ий 9 декабрьыште Екатерина II Святой Георгийын орденжым – эн кўкшō военный наградым – пенгыдемден. Ты кечын Совет Ушемын, Российын Геройжо-влакым, Чап орденын да Святой Георгийын орденжын кавалерже-влакым саламлена.



1877 ий 10 декабрьыште руш войска Болгарийысе Плевна орым сеңен налын. Тиде кредалмаш руш-турко сарын кузе пытышашыжым рашемден. Болгар-влак ты вашижмашым «курымла дене шарнаш» товатленит.

Мастар кид

Сўретым ончен,
пластилин гыч
салтакым
ненчыза.



Лудмо деч вара

Николай Богдановын «Шольым дене коктын» ойлымашыжым («Ямде лий» 2020 ий 7 ноябрь) лудмеке, мый шоналтышым: а мый Жнивин олмышто мом ыштем ыле? Вара маньым: «Шочмо элым аралаш, йолташ верч ўчымы шукташ могай-гынат йōным садак шонен муам ыле. Вет лишыл ең-влак мыланна ўшанат».

Кирилл КРЫЛОВ.

Морко, Коркатово.

Сенгымашлан – 75 ий

«Ямде лий» 2020 ий 5 декабрь

5



2020 ий – Шарнымаш да чап идалык.

Филиппын ачаже сарын икымше кечылаштыжак Минск воктенысе кредалмаште колен. Филипп изи, ныл ияш гына.

Рвезе авааж деч пачаш-пачаш йодеш:

– Ачана кредалеш? Мемнам арала вет? Фашист-влакым кыра?

Ўдырамаш эргыжым он пелен ондалеш:

– Кредалеш, эргым, кредалеш. Чын ойлет, Филипп, фашистым кыра.

Филипп ял урем мучко кычкырен куржеш:

– Ачам немыч-влакым кыра! Ачам немыч-влакым кыра!

Нуно Моско кундемыште, Рогачёв ола деч тораште огыл илат.

Сар жапысе кенеж эртен кайыш. Тудым шыже алмаштыш. Ялышке ойго тольо. Ялыш шем тўшка дене фашист-влак керылтыч. Танк, пушко-влак лўйкалат.

– Шўкшак славян-влак! – кычкырат фашист-шамыч.

– Партизан-влак! – кычкырат немыч-шамыч.

Филипплан шучко, авааж деке лишемын йодеш.

– Кушто ачам? Мемнам утара вет?

– Ит лўд, утара, – вашешта ўдырамаш.

Рвезе йолташыже, пошкудыжо-влаклан пелйўкын ойла:

– Ачай мемнам утара, фашистым кырен шалата...

Колхозник-влак изин-кугун утлаш шонат. Кенета ялыш куан увер тольо. Мемнан салтак-влак фашистым кырен шалатеныт, тушманым Моско гыч касвел могырыш покта.

Тыштат, Рогачёв воктене, канонадын йўкшў торашке шумеш шергылте.

– Ачай толеш! Ачай толеш! – кычкырале Филипп.

Колхозник-влак тиде татым вучен шуктышт. Филипп помыжалтмекыже улылыш: фашист-влак куржыныт, ялыште – эрык.

Рвезе авааж деке куржын тольо, шўйышкыжў кержалте:

– Ачай то-

лын? Ачай то-лын?

– Толын, – шып вашештыш аваже.

– Кушто тудо?! – йўкшым кугемден йодо Филипп.

– Умбаке кайыш, эргым...

Филипп ял урем мучко куржо:

– Мемнам мыйын ачам утарен! Мемнам мыйын ачам утарен!

Рвезе Гришам вашлие. Гриша тудын деч кок пачаш кугурак. Гриша воштылынрак вашештыш:

– «Утарен!»! Ачат Минск воктенак колен.

Филипп сырыш, нержым куптыртыш. Парняже-влакым иквереш кормыжтыш. Гришан чурийышкыже пирыла онча. Колен огыл! Ала-момат ойла тудо!

– Утарен! Утарен! – уэш кычкырале Филипп.

Нунын воктечышт Тимофей Данилыч эртен кайыш. Филипп тудын деке кержалте. Ачаже, Гриша нерген шўлалтыде каласкалыш.

– Ачам чынак фашистым кырен шалатен?

Коча рвезе ўмбаке ончале, Филиппын ачажын Минск верч кредалмаште фашист-влак ваштареш онжо дене шогалмыжым, моло салтак-влакымат шарналтыш.

– Чын, – вашештыш

Тимофей Данилыч да изи рвезым ондале. – Ачат деч посна, эргым, огына сене ыле.

Рвезе ял урем мучко куржо:

– Ачам сенымашым конден! Ачам сенымашым конден!

Тыге огыл манын, кў ойла? Шучко сарыште Сенымаш кече марте кажне салтак илен кодын огыл. Но Брест, Минск, Ленинград, Одесса, Севастополь, Киев, Смоленск, Вязьма олала воктене, Совет элын мландыштыже тушман ваштареш кредалше кажне айдеме сенымашым лишемдаш полшен. Кажне – илыше да колышо.

Чын ойлен Филипп. Кушкеш рвезе, чылан ойла: «Мыйын ачам сенымашым конден. Мыйын ачам шочмо кундемым куллык деч утарен».

Х.АЛЕКСАНДРОВА кусарен.
Н.ЛАВРЕНТЬЕВАН сўретше.

Война нерген лудына



АЧАЙ

Ойлымаш



Сенымашлан – 75 ий



«Ямде лий» 2020 ий 5 декабрь

Печать да массовый коммуникаций шотышто федерал агентствын окса польшыж дене...

10 декабрь – Футболын
тўнамбал кечыже.

Мечым чумена

Спортын түрлө видше кокла гыч мый футболым эн чот йөрәтем. Урок деч вара стадионыш шуко йоча погына. Футболла пычкемыш марте модына. Тренер А.А.Сидоркин вес енлан пасым чын пуаш, мечым моштен чумаш, каккам оролаш туныкта. Футболла мод-маште кумирем-влак улыт. Тиде Криштиану Роналду да Лионель Месси.



Захар ТУЛЯНКИН.

У Торъял, Немда.

Футболын шочмо ийже – 1863. Тунам Футбол ассоциаций ышталтын далодмо правил-влак рашемдалтыныт. Шочмо верже – Англий.

Толь чонгешталын киса кайык, Окнашкем тўкалтыш: «Поч окнат. Пөлеклем мый тыланет пиалым. Сылне теле жапым конденам!»

Костя ШЕХУРДИН.

Шернур, Кукнур.

8 декабрь –
Сүретчын тўнамбал
кечыже.



Сүретчын чиялтыза.

Вучымо теле

Телым вучен шуктышна. Мландым ош лум леведе. Лумлан куанен, ватрушкым кидыш налын, йолташ-влак дене пырля курык вуйыш шикшалтна. Тушто шуко йоча погынен ыле. Йүк-йүан торашке йонген. Эше пүя үмбалне хоккейла модаш йөрәтена. Вет кенгежым тыге модаш ок лий.

Эмилия АЛЕКСАНДРОВА.

Поян шыжым теле алмаштыш. Уремыште йүштө мардеж пуалеш, кава гыч эркын лум пөрддын велеш. Мыланем теле пагыт пеш келша. Вошткойшо ер үмбалне коньки дене мунчалташ, ий үмбалне колым энгыраш йөрәтем.

Костя ЕГОРОВ.

Морко, Коркатово.



Оля СТЕПАНОВАН
сүретше.

Морко, Шап Унчо.

Молан тыге лүмденыт?

Палаш онгай

Тиде кайыкым марий-влак пөрткайык маньт. Тудо телылан шокшо элыш ок чоеште. Сурт воктене ты пагытым эртарат. Кочкышышат муэш, илашат вер уло. Руш-влак тудым воробей маньт. Молан тыге лүмденыт? Ожно пөрткайык кресаньыкын үдаш лекмыжым веле вучен: пырчым рок гыч удырен луктын. Кайыкын осалланьмыжым ужын, калык тыге кычкырен: «Вора бей! Вора бей!»

«Ямде лий» 2020 ий 5 декабрь



Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаштотышто министерстве, «Ямде лий» газет» кугыжаныш унитарный казна предприятий.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт түрлө лийын кертыт. Серыш-влак мөнгеш огыт колталат.
Ак – кутырен келшыме почеш.

Редакцийын да издательыне адресше:
424006, Йошкар-Ола, СССР Вооружённый Вийын 70-ше идалькше урем, 20-шо пөрт.
Тел. 8(8362) 45-22-82(факс)

Конкурс

«ЯМДЕ ЛИЙ» дене



Галя ТРОФИМОВА.

Морко посёлко.



Пингвин-
влакын ұмы-
лыштым
муза.



Тыште
мыняр
мерағ
уло?

Пүнчө
але кож
шукырак?

Мыняр
сөрастары-
дыме кожым
ужыда?

Тушто-влак

Капше – пörтыштö,
нерже – тўнö.



Ок ошкеде –
коштеи.


Волык огыл –
кок тўжан.



Задаче

Ик бригаде
теле жаплан 235
кубометр пум руэн.
Ондак тиде бригадак
4 пачаш шукырак
ямдылен улмаш.
Пашазе-влак телылан
мыняр кубометр
пум ямдыленыт?

Мыняр фигурым ужыда?
Шотлыза да ұлыкö возыза.



Янлык-влакым
шке почышт дене
ушыза.



Кроссворд



1. Сур, осал, урмыжеш.
2. Кенежым – сур, телым – ошо.
3. Пасушто ила, пыртым йората.
4. Сад-пакчан осал «тушманжым» пытара.
5. Ой, ... модеш, ... модеш.
6. Пүсö пўян, пушенгым йöрыктылеш, вудыштö ила.
7. Чодыра оза.

Ксения АФАНАСЬЕВА.

У Торъял, Немда.



«Ямде лий» 2020 ий 5 декабрь

Интернетысе сурет-влакым кучылтмо.